

GJALDSKRÁ

fyrir Hitaveitu Hveragerðis.

1. gr.

Hitaveita Hveragerðishrepps selur afnot af varmaorku úr veitukerfum þeim, sem gerð hafa verið eða gerð kunna að verða eftir þeim reglum, sem settar eru fram í reglugerð um Hitaveitu Hveragerðishrepps, nr. 175/1962 og gjaldskrá þessari.

2. gr.

Hitaveitan lætur hverju húsi, sem tengt er kerfi hennar, í té nægjanlega varmaorku til hitunar hússins í hæfilegan hita, að hennar dómi. Nú breytist varmagjafi þannig, að afköst kerfisins í heild minnka, og skal þá ekki koma lækkun til á gjöldum fyrir varmaorku.

3. gr.

Gjald fyrir notkun varma:

1. Varmi frá hitaveitukerfi er seldur svo sem hér segir:

- a. Gróðurhús og skúrar greiða kr. 23.00 pr. m² gólfplatar á ári.
- b. Öll önnur hús greiða kr. 33.00 pr. m² gólfplatar á ári.

Þó skulu gjöld samkv. grein þessari ekki vera undir kr. 2 000.00 á ári.

2. Þeir, sem taka varma frá opnum hverum og leiða sjálfir í íbúðarhús sín, greiði kr. 25.00 pr. m². Sé um gróðurhús að ræða, greiðist kr. 20.00 pr. m². Hreppsnefnd er heimilt, að fengnum tillögum hitaveitunefndar, að lækka gjald þetta niður í kr. 16.00 pr. m² á ári, ef um er að ræða langar leiðslur í hlutfalli við stærð upphitaðs húsnæðis.
3. Nú er varminn notaður til iðnaðar eða sem gufuorka, og ákveður hreppsnefnd þá gjald fyrir slíka notkun að fengnum tillögum hitaveitunefndar.
4. Gjöld fyrir hitastilla skulu vera kr. 500.00 á ári fyrir 20 mm stilla og fyrir 25 mm stilla kr. 1 000.00 á ári.

4. gr.

Heimæðagjöld eru svo sem hér segir:

1. Gróðurhús og skúrar kr. 10.00 pr. m² gólfplatar.
2. Öll önnur hús kr. 20.00 pr. m² gólfplatar.
3. Lágmarksgjald samkv. grein þessari skal aldrei vera lægra en krónur 2 000.00.
4. Heimæðagjöld greiðast við tengingu húsanna.
5. Öll gjöld í gjaldskrá þessari miðast við utanmál hitaðra húsa.

5. gr.

Hitaveitugjöld samkv. 3. gr. skulu krafín mánaðarlega. Þó er hreppsnefnd heimilt að láta lengri tíma líða á milli gjalddaga.

6. gr.

Hver húseigandi ber ábyrgð á að heimæðargjald sé greitt af húsi hans. Hver sá, sem fengið hefur varmaafnot fyrir húseign sína hjá hitaveitunni, ber ábyrgð á greiðslu hitagjalda án tillits til þess, hver er hinn raunverulegi notandi.

7. gr.

Nú er ekki staðið í skilum með greiðslu fyrir varma og getur stjórn hitaveitunnar þá sent gjaldanda tilkynningu um, að hann verði að greiða gjaldið innan viku í skrifstofu hreppsins. Dragist greiðsla lengur, má loka fyrir varmann. Þá er heimilt

að loka fyrir varma hjá notanda, sem eftir itrekaða áminningu eyðir varma að óþörfu eða umfram gjaldskrá þessa og reglugerð hitaveitunnar. Slik lokun leysir ekki notanda undan að greiða hitagjöld fyrir þann tíma, sem lokun stendur yfir, og ekki er heldur hitaveitan bótaskyld fyrir tjón, sem kann að hljótask af slíkri lokun.

Nú er lokað vegna skuldar og má þá ekki enduropna nema:

1. Sett sé fullnægjandi trygging fyrir greiðslu skuldar eða hún greidd að fullu.
2. Gjald fyrir enduropnun kr. 250.00 sé greitt í sjóð hitaveitunnar. Starfsmenn hitaveitunnar einir mega annast enduropnun.

8. gr.

Öll gjöld samkvæmt gjaldskrá þessari eru lögtakskræf með veði í hinni hituðu eign.

9. gr.

Heimilt er hreppsnefnd að hækka eða lækka gjöld í gjaldskrá þessari um allt að tuttugu af hundraði án staðfestingar ráðuneytisins, þó aldrei nema til eins árs í senn.

Gjaldskrá þessi, sem samin er og samþykkt af hreppsnefnd Hveragerðishrepps, staðfestist hér með samkvæmt lögum nr. 3 31. jan. 1952, um hitaveitur utan Reykjavíkur, til þess að öðlast þegar gildi, og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá nr. 121 19. sept. 1958 fyrir Hitaveitu Hveragerðis.

Félagsmálaráðuneytið, 14. nóvember 1962.

F. h. r.

Hjálmar Vilhjálmsson.

Hallgrímur Dalberg.

SAMÞYKKT

um breytingu á samþykktum nr. 158 6. júlí 1943 fyrir Sparisjóð Húsavíkur.

1. gr.

Við samþykktirnar bætist ný grein, sem verður 38. gr., svo hljóðandi:

Ef sparisjóðurinn verður lagður niður eða hættir störfum, skal eignum hans varið til almenningsþarfa og skulu stofnfjáreigendur gera samþykkt um á hvern hátt það skuli gert. Leita skal samþykkis stjórnarráðsins á ráðstöfun eignanna.

Framanrituð samþykkt staðfestist hér með.

Viðskiptamálaráðuneytið, 9. nóvember 1962.

Gylfi Þ. Gíslason.

Oddur Guðjónsson.